

במדבר פרק ה – פרשת סוטה

- (כט) זאת תורת הקנאות אשר תשטה אשה תחת אישה ונטמאה :
 (ל) או איש אשר תעבר עליו רוח קנאה וקנא את אשתו והעמיד את האשה לפני יקנך ועשה לה הכהן את כל התורה הזאת :
 (לא) ונקה האיש מעון והאשה ההוא תשא את עונה : פ

במדבר פרק ו – פרשת נזיר

- (א) וידבר יקנך אל משה לאמר :
 (ב) דבר אל בני ישראל ואמרת אליהם איש או אשה פי יפלא לנדר נזיר להזיר ליקנך :
 (ג) מינו ושכר נזיר חמץ יין וחמץ שכר לא ישתה וכל משרת ענבים לא ישתה וענבים לחים ויבשים לא יאכל :
 (ד) כל ימי נזרו מכל אשר יעשה מגפן היין מחרצנים ועד זג לא יאכל :
 (ה) כל ימי נדר נזרו תער לא יעבר על ראשו עד מלאת הימים אשר יזיר ליקנך קדש יהיה גדל פרע שער ראשו :
 (ו) כל ימי הזירו ליקנך על נפש מת לא יבא :
 (ז) לאביו ולאמו ולאחיו ולאחותו לא יטמא להם במתם פי נזר אלהיו על ראשו :
 (ח) כל ימי נזרו קדש הוא ליקנך :

נזיר טמא

- (ט) וכי ימות מת עליו בפתע פתאום וטמא ראש נזרו וגלח ראשו ביום טהרתו ביום השביעי יגלחנו :
 (י) וביום השמיני יבא שתי תרים או שני בני יונה אל הכהן אל פתח אהל מועד :
 (יא) ועשה הכהן אחד לחטאת ואחד לעלה וכפר עליו מאשר חטא על הנפש וקדש את ראשו ביום ההוא :
 (יב) והזיר ליקנך את ימי נזרו והביא כבש בן שנתו לאשם והימים הראשנים יפלו כי טמא נזרו :

השלמת הנזירות

- (יג) וזאת תורת הנזיר ביום מלאת ימי נזרו יביא אתו אל פתח אהל מועד :
 (יד) והקריב את קרבנו ליקנך כבש בן שנתו תמים אחד לעלה וכבשה אחת בת שנתה תמימה לחטאת ואיל אחד תמים לשלמים :
 (טו) וסל מצות סלת חלת בלולת בשמן ורקיקי מצות משחים בשמן ומנחתם ונספיהם :
 (טז) והקריב הכהן לפני יקנך ועשה את חטאתו ואת עלתו :
 (יז) ואת האיל יעשה זבח שלמים ליקנך על סל המצות ועשה הכהן את מנחתו ואת נסכו :
 (יח) וגלח הנזיר פתח אהל מועד את ראש נזרו ולקח את שער ראש נזרו ונתן על האש אשר תחת זבח השלמים :
 (יט) ולקח הכהן את הזרע בשלה מן האיל וחלת מצה אחת מן הסל ורקיק מצה אחד ונתן על כפי הנזיר אחר התגלחו את נזרו :
 (כ) והניף אותם הכהן תנופה לפני יקנך קדש הוא לכהן על חזה התנופה ועל שוק התרומה ואחר ישתה הנזיר יין :
 (כא) זאת תורת הנזיר אשר יזיר קרבנו ליקנך על נזרו מלבד אשר תשיג ידו כפי נדרו אשר יזיר כן יעשה על תורת נזרו : פ

ברכת כהנים

- (כב) וידבר יקנך אל משה לאמר :
 (כג) דבר אל אהרן ואל בניו לאמר כיה תברכו את בני ישראל אמור להם :
 (כד) יברכך יקנך וישמרך :
 (כה) יאר יקנך פניו אליך ויחנך :
 (כו) ישא יקנך פניו אליך וישם לך שלום :
 (כז) וישמו את שמי על בני ישראל ואני אברכם :